



Broj: 02-04-683/21-AP-3
Datum: 19.03.2021. godine

OPĆINSKO VIJEĆE ZAVIDOVIĆI
n/r PREDSEDavajuća Općinskog Vijeća
mr. iur. Erna Merdić Smailhodžić

PREDMET: Odgovori na vijećnička pitanja sa 2. sjednice Općinskog vijeća Zavidovići održane 26.02.2021. godine, dostavljaju se

Povodom vijećničkih pitanja postavljenih na 2. sjednice Općinskog vijeća Zavidovići održanoj 26.02.2021. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA MUJKIĆ RASIMA

Vijećnik Mujkić Rasim (Prvo pitanje): Ovako, što se tiče ovoga puta Pašin konak - ulaz Mećevići. On je urađen 2010. godine. Tad nam je obećano, on je urađen do Doma Mjesne zajednice Mećevići od Pašinog konaka 2010. godine. Od Doma Mjesne zajednice Mećevići do ulaza nikad nije urađena urbanistička saglasnost i građevinska dozvola za taj put. Evo već čekamo 11 godina, pa nas interesuje koliko ćemo još čekat da se taj put rješava što se tiče, dal ćemo čekat dvadeset jednu, pedeset jednu ne znam više koliko godina da dođe na red taj put. A inače taj put je toliko prohodan da ima preko osam hiljada stanovnika, gravitira tim putem i preko pet hiljada registrovanih auta u tom pravcu, pa hoću da vidim dokle je stalo. Prije tri godine predsjednici Mjesnih zajednica Mećevići Hajderovići, to jest Pašin konak i Rujnica su zajednički uputili dopis, da vidimo gdje je ovo stalo. Međutim, evo tri godine i dalje stoji u nekim ladicama. Hoću to da postavim pitanje da mi odgovorite dokle je to došlo?

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva broj 03-45-7-90/21 od 18.03. 2021. godine) Dobijanje građevinske dozvole, je usko vezano za rješavanje imovinsko-pravnih odnosa sa fizičkim licima koja su vlasnici parcela u koje zalazi projektovana cesta. Dakle, Općinsko pravobranilaštvo bi trebalo planirati budžetska sredstva za eksproprijaciju neophodnog zemljišta, te sa Službom za upravu geodetskih, imovinsko-pravnih poslova i urbanizma provesti postupak eksproprijacije.

Vijećnik Mujkić Rasim (Drugo pitanje): I druga stvar, što se tiče trotoara pored ceste, takođe evo 30 godina nemamo trotoar pored ceste od Ekonomije do Šabinog Potoka, takođe isto sa 2 km do škole „Poljice“ nije urađen trotoar. Ne bi to bila velika ulaganja, pa hoću da vidim dokle je to došlo i hoćemol to rješavat. Da krenemo odnekud. Toliko.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva broj 03-45-7-90/21 od 18.03. 2021. godine): Već duži niz godina Općina Zavidovići dostavlja prioritetne projekte za modernizaciju, sanaciju i rekonstrukciju regionalnih cesta na području općine Zavidovići, a koje su u nadležnosti Kantonalne direkcije cesta, među kojima su i izgradnja navedenih trotoara. Međutim isti nisu nikad uvršteni u godišnje planove i programe održavanja, zaštite, rekonstrukcije i izgradnje regionalnih cesta..

2. VIJEĆNIČKO PITANJE VIJEĆNIKA BOŠNJAKOVIĆ HAKIJE

Vijećnik Bošnjaković Hakija: Nedavno su, nakon duugo vremena, ponovo uspostavljene redovne autobuske linije na većini putnih pravaca na području općine Zavidovići. Međutim, na pojedinim pravcima kojima su bile redovne linije, autobusi više ne saobraćaju. Takav slučaj je i sa naseljenim mjestom Borovnica, čiji su mještani i dalje uskraćeni za usluge javnog autobusnog prevoza, na potezu od 9. kilometrado navedenog naseljenog mjesta.

Jasno je da općina Zavidovići nema ingerencije za nametanje obaveze uvođenja određene linije prevoznicima, kao pravnim licima koja obavljaju djelatnost na principu vlastitog ekonomskog interesa i isplativosti, ali bi se subvencioniranjem dijela troškova na toj dionici, prevoznici mogli podstaknuti na uvođenje te autobuske linije.

Postojećim redom vožnje, autobusi saobraćaju četiri puta dnevno na relaciji Autobuska stanica-Mahoje, te bi se problem mogao riješiti praktično usputnim skretanjem autobusa koji saobraćaju tim pravcem, do stanice u mjestu Borovnica, barem dva puta dnevno u svakom smjeru. Na taj način došlo bi do neznatnih izmjena u redu vožnje, tj. stanici na pravcu Autobuska stanica-Mahoje, a isto bi mnogo značilo mještanima naseljenog mjesta borovnica, naročito penzionerima i učenicima. Pitanje je, kakve su mogućnosti Općine da prevoznike privoli na uspostavljanje autobuske linije?

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva broj 03-45-7-90/21 od 18.03. 2021. godine): Federalni ministarstvo prometa i komunikacija je donijelo Uputstvo o načinu realizacije obustavljanja polazaka, povrataka, odnosno voznih redova u uvjetima proglašene nesreće izazvane pandemijom korona virusa (COVID 19) i etapnog početka održavanja javnog linijskog prevoza putnika.

Navedenim Uputstvom, koje je na snazi do 30.06.2021. godine ostavljena je mogućnost prijevoznicima na području Federacije BiH da održavanje javnog linijskog prevoza putnika obavljaju u skladu sa osobnom procjenom opravdanosti održavanja istog.

Shodno naprijed navedenom Uputstvu, prijevoznici koji imaju registrovane redove vožnje na općinskim linijama na području općine Zavidovići nisu iskazali interes niti opravdanost za održavanje reda vožnje na relaciji Zavidovići-Borovnica.

Obzirom na navedeno Općina Zavidovići nema mogućnost da bilo kojem prijevozniku naloži održavanje istog.

Pored navedenog Općina Zavidovići nema zakonsku mogućnost subvencioniranja bilo kojeg prijevoznika obzirom da se u konkretnom slučaju subvencioniranje odnosi za troškove redovnog poslovanja društava koja su u privatnim vlasništvima, te bi samim tim navedena privredna društva imala monopol u odnosu na ostala društva sa istim statusom, a čime bi došlo do nelojalne konkurencije na tržištu i otvaranja procesa u kojem bi i ostali prevoznici tražili i očekivali subvencioniranje i pomoć u obavljanju prevoza na neprofitabilnim linijama.

3. VIJEĆNIČKO PITANJE VIJEĆNIKA HODŽIĆ HARISA

Vijećnik Hodžić Haris: Tražimo od nadležne općinske službe da nam dostavi spisak medija (elektronskih i printanih) kojima su isplaćena sredstva iz budžeta općine Zavidovići za period 01.01.2016. – 26.02.2021. godine. Odgovor na ovo pitanje treba da sadrži sljedeće informacije: naziv medija, iznos sredstava, za koju svrhu se isplaćuju sredstva te darum isplate sredstava. Od nadležnih zahtijevam jasne odgovore u pisanoj formi. Vijećničko pitanje upućuje se nadležnim općinskim službama.

Odgovor na vijećničko pitanje (Odgovor je sačinjen na osnovu akta Stručne službe općinskog načelnika broj 02-45-20/21-AP-17 od 19.03.2021. godine): U cilju informisanja građana općine Zavidovići o radu Općinskog vijeća Zavidovići, općinskog načelnika i organa

uprave Općine Zavidovići, te objavljivanja javnih oglasa sklapani su pravni poslovi i izdavane narudžbenice o vršenju usluga kako slijedi:

a) Ugovori zaključeni u 2016. godini

1. Naziv medija: PD „NAŠA RIJEČ“ d.o.o. Zenica.
Iznos isplaćenih sredstava: 312,00 KM.
Svrha isplate sredstava: Isplata ugovorene pretplate na sedmične novine „NAŠA RIJEČ“ (6 komada) za 2016. godinu po narudžbenici broj 02-14-47/16-AP-2 od 07.01.2016. godine.
Datum isplate sredstava: U periodu januar-decembar 2016. godine po računima izdatim za jedan mjesec.
2. Naziv medija: PD „OSLOBOĐENJE“ d.o.o. Sarajevo.
Iznos isplaćenih sredstava: 2.228,79 KM sa PDV-om.
Svrha isplate sredstava: Isplata ugovorene pretplate na dnevne novine „OSLOBOĐENJE“ (1komad) za 2016. godinu po narudžbenici broj 02-14-47/16-AP-2 od 07.01.2016. godine.
Datum isplate sredstava: U periodu januar-decembar 2016. godine po računima izdatim za jedan mjesec.
3. Naziv medija: PD „KABLOVSKA TELEVIZIJA ZAVIDOVIĆI“ d.o.o. Zavidovići.
Iznos isplaćenih sredstava: 15.906,30 KM sa PDV-om.
Svrha isplate sredstava: Isplata ugovorene usluge snimanja sjednice Općinskog vijeća Zavidovići za 2016. godinu.
Datum isplate sredstava: U periodu januar-decembar 2016. godine po računima izdatim za jedan mjesec.
4. Naziv medija: PD „AVAZ ROTOPRES“ d.o.o. Sarajevo.
Iznos isplaćenih sredstava: 579,15 KM sa PDV-om.
Svrha isplate sredstava: Objava javnog oglasa za prodaju nekretnina.
Datum isplate sredstava: 31.12.2016. godine.
5. Naziv medija: PD „Radio 1053“ d.o.o. Zavidovići.
Iznos isplaćenih sredstava: 14.400,00 KM sa PDV-om.
Svrha isplate sredstava: Isplata ugovorene usluge snimanja sjednice Općinskog vijeća Zavidovići i objavljivanje obavještenja i oglasa za 2016. godinu.
Datum isplate sredstava: U periodu januar-decembar 2016. godine po računima izdatim za jedan mjesec.

b) Ugovori zaključeni u 2017. godini

1. Naziv medija: PD „Radio 1503“ d.o.o. Zavidovići.
Iznos isplaćenih sredstava: 3.200,00 KM sa PDV-om.
Svrha isplate sredstava: Isplata ugovorene usluge snimanja sjednice Općinskog vijeća Zavidovići i objavljivanje obavještenja i oglasa za 2017. godinu.
Datum isplate sredstava: U periodu januar-decembar 2017. godine po računima izdatim za jedan mjesec.
2. Naziv medija: PD „ONASA“ d.o.o. Sarajevo,
Iznos isplaćenih sredstava: 1.872,00 KM sa PDV-om.
Svrha isplate sredstava: Isplata ugovorene naknade po Ugovoru o pretplati na Privredni – Busniess servis agencije ONASA za 2017. godinu broj 02-14-1601/17-AP-6 od 28.04.2017. godine.
Datum isplate sredstava: U periodu januar-decembar 2017. godine po računima izdatim za jedan mjesec.

3. Naziv medija: PD „NAŠA RIJEČ“ d.o.o. Zenica.
Iznos isplaćenih sredstava: 883,60 KM.
Svrha isplate sredstava: Isplata ugovorene pretplate na sedmične novine „NAŠA RIJEČ“ (6 komada) za 2017. godinu.
Datum isplate sredstava: U periodu januar-decembar 2017. godine po računima izdatim za jedan mjesec.
4. Naziv medija: PD „AVAZ ROTOPRES“ d.o.o. Sarajevo.
Iznos isplaćenih sredstava: 428,79 KM sa PDV-om.
Svrha isplate sredstava: Objava javnog oglasa za prijem u radni odnos.
Datum isplate sredstava: U periodu 23.08. do 13.10. 2017. godine po računima izdatim nakon objave oglasa.
5. Naziv medija: PD „OSLOBOĐENJE“ d.o.o. Sarajevo.
Iznos isplaćenih sredstava: 3.761,55 KM sa PDV-om.
Svrha isplate sredstava: Objava javnog oglasa za prodaju nekretnina, imenovanje upravnih odbora i prijem u radni odnos.
Datum isplate sredstava: U periodu 06.01. do 31.12. 2017. godine po računima izdatim nakon objave oglasa.

c) Ugovori zaključeni u 2018. godini

1. Naziv medija: PD „ZOS RADIO“ d.o.o. Tešanj.
Iznos isplaćenih sredstava: 2.000,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2018. godinu broj 02-14-333/18-AP-5 od 01.04.2018. godine.
Datum isplate sredstava: U periodu januar-decembar 2018. godine po računima izdatim za jedan mjesec.
2. Naziv medija: PD „SMART TELEVIZIJA“ d.o.o. Tešanj.
Iznos isplaćenih sredstava: 16.380,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2018. godinu broj 02-14-364/18-AP-4 od 20.02.2018. godine
Datum isplate sredstava: U periodu januar-decembar 2018. godine po računima izdatim za jedan mjesec.
3. Naziv medija: PD „Radio 1503“ d.o.o. Zavidovići.
Iznos isplaćenih sredstava: 6.000,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2018. godinu broj 02-14-813/18-AP-5 od 03.04.2018. godine.
Datum isplate sredstava: U periodu januar-decembar 2018. godine po računima izdatim za jedan mjesec.
4. Naziv medija: PD „OSLOBOĐENJE“ d.o.o. Sarajevo.
Iznos isplaćenih sredstava: 7.078,50 KM sa PDV-om.
Svrha isplate sredstava: Objava javnog oglasa za prodaju nekretnina, imenovanje upravnih odbora i prijem u radni odnos.
Datum isplate sredstava: U periodu 01.02. do 24.12. 2018. godine po računima izdatim nakon objave oglasa.

5. Naziv medija: PD „AVAZ ROTOPRES“ d.o.o. Sarajevo.
Iznos isplaćenih sredstava: 1.263,60 KM sa PDV-om.
Svrha isplate sredstava: Objava javnog oglasa.
Datum isplate sredstava: U periodu 21.02. do 19.09. 2018. godine po računima izdatim nakon objave oglasa.

d) Ugovori zaključeni u 2019. godini

1. Naziv medija: PD „NAŠA RIJEČ“ d.o.o. Zenica.
Iznos isplaćenih sredstava: 352,00 KM sa PDV-om.
Svrha isplate sredstava: Isplata ugovorene pretplate na sedmične novine „NAŠA RIJEČ“ (6 komada) i kvartalnog magazina „ZE-DO EKO“ (10 komada) za 2019. godinu po narudžbenici broj 02-14-3782/18-AP-4 od 25.12.2018. godine.
Datum isplate sredstava: U periodu januar-decembar 2019. godine po računima izdatim za jedan mjesec.
2. Naziv medija: PD „ZOS RADIO“ d.o.o. Tešanj.
Iznos isplaćenih sredstava: 2.200,00 KM sa PDV-om
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2019. godinu broj 02-14-148/19-AP-5 od 23.01.2019. godine.
Datum isplate sredstava: U periodu januar-decembar 2019. godine po računima izdatim za jedan mjesec.
3. Naziv medija: PD „SMART TELEVIZIJA“ d.o.o. Tešanj.
Iznos isplaćenih sredstava: 18.018,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2020. godinu broj 02-14-146/19-AP-5 od 28.01.2019. godine.
Datum isplate sredstava: U periodu januar-decembar 2019. godine po računima izdatim za jedan mjesec.
4. Naziv medija: PD „Radio 1503“ d.o.o. Zavidovići.
Iznos isplaćenih sredstava: 6.600,00 KM.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2019. godinu broj 02-14-149/19-AP-5 od 28.01.2019. godine.
Datum isplate sredstava:
5. Naziv medija: Udruženje „ZDICI.INFO“ Zavidovići.
Iznos isplaćenih sredstava: 2.350,00 KM sa PDV-om.
Svrha isplate sredstava: Isplata ugovorene naknade po Ugovoru o o dodjeli sredstava za projekat predstavljanja i upoznavanje građana sa radom i aktivnostima općine Zavidovići na društvenim mrežama i portalima za 2019. i 2020. godinu broj 02-14-2255/19-AP-13 od 08.11.2019. godine.
Datum isplate sredstava: 13.11.2019. godine.
6. Naziv medija: PD „OSLOBOĐENJE“ d.o.o. Sarajevo
Iznos isplaćenih sredstava: 3.566,16 KM sa PDV-om.
Svrha isplate sredstava: Objava javnog oglasa.
Datum isplate sredstava: U periodu 18.01. do 15.05. 2019. godine po računima izdatim nakon objave oglasa.

7. Naziv medija: PD „AVAZ ROTOPRES“ d.o.o. Sarajevo.
Iznos isplaćenih sredstava: 391,95 KM sa PDV-om.
Svrha isplate sredstava: Objava javnog oglasa.
Datum isplate sredstava: 08.05.2019. godine.

e) Ugovori zaključeni u 2020. godini

1. Naziv medija: PD „ZOS RADIO“ d.o.o. Tešanj.
Iznos isplaćenih sredstava: 2.400,00 KM.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2020. godinu broj 02-14-3020/19-AP-5 od 27.12.2019. godine.
Datum isplate sredstava: U periodu januar-decembar 2020. godine po računima izdatim za jedan mjesec.

2. Naziv medija: PD „SMART TELEVIZIJA“ d.o.o. Tešanj
Iznos isplaćenih sredstava: 19.656,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2020. godinu broj 02-14-3021/19-AP-5 od 31.12.2019. godine.
Datum isplate sredstava: U periodu januar-decembar 2020. godine po računima izdatim za jedan mjesec.

3. Naziv medija: PD „Radio 1503“ d.o.o. Zavidovići
Iznos isplaćenih sredstava: 10.800,00 KM.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2020. godinu broj 02-14-3019/19-AP-5 od 31.12.2019.2020. godine.
Datum isplate sredstava: U periodu januar-decembar 2020. godine po računima izdatim za jedan mjesec.

4. Naziv medija: PD „AVAZ ROTOPRES“ d.o.o. Sarajevo.
Iznos isplaćenih sredstava: 1.216,80 KM sa PDV-om.
Svrha isplate sredstava: Objava javnog oglasa.
Datum isplate sredstava: U periodu 28.08. do 05.11. 2020. godine po računima izdatim nakon objave oglasa.

5. Naziv medija: PD „OSLOBOĐENJE“ d.o.o. Sarajevo.
Iznos isplaćenih sredstava: 3.531,06 KM sa PDV-om.
Svrha isplate sredstava: Objava javnog oglasa.
Datum isplate sredstava: U periodu 28.02. do 05.11. 2020. godine po računima izdatim nakon objave oglasa.

f) Ugovori zaključeni u 2021. godini

1. Naziv medija: PD „ZOS RADIO“ d.o.o. Tešanj.
Iznos isplaćenih sredstava do 26.02.2021. godine: 400,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2021. godinu broj 02-11-3372/20-AP-5 od 31.12.2020. godine.
Datum isplate sredstava: 15.02. i 09.03.2021. godine.

2. Naziv medija: PD „SMART TELEVIZIJA“ d.o.o. Tešanj.
Iznos isplaćenih sredstava 26.02.2021. godine: 1.638,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2021. godinu broj 02-11-185/21-AP-6 od 29.01.2021. godine.
Datum isplate sredstava: 16.03.2020. godine.
3. Naziv medija: PD „Radio 1503“ d.o.o. Zavidovići.
Iznos isplaćenih sredstava 26.02.2021. godine: 900,00 KM sa PDV-om.
Svrha isplate sredstava: Isplata ugovorene naknade po Ugovoru o koprodukciji radijskog programa za potrebe informisanja građana o radu organa Općine Zavidovići za 2021. godinu broj 02-11-186/21-AP-6 od 29.01.2021. godine.
Datum isplate sredstava: 09.03.2021. godine.

Vijećnik Hodžić Haris (Dopuna odgovora na vijećničko pitanje sa 1. sjednice Općinskog vijeća Zavidovići): Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam vijećničko pitanje koje se tiče potrebe informisanja o poduzetim aktivnostima u saradnji i koordinaciji sa Kantonalnom direkcijom za ceste, a u vezi uklanjanja odrona na regionalnom putu R 465 Zavidovići - Maglaj u naseljenom mjestu Šabin potok - Dolac.

Obrazloženje vijećničkog pitanja.

Već nešto više od 2 mjeseca učesnici saobraćaja na regionalnom putu pravcu Zavidovići - Maglaj svakodnevno su potencijalna žrtva saobraćajne nesreće kao uzrok suženja kolovozne trake izazvane odronom na dionici putnog pravca između naseljenih mjesta Šabin potok i Dolac.

Odron koji je suzio regionalnu cestu R 465 i ugrožava sigurnost učesnika saobraćaja samo je označen obilježenom trakom i do dan danas nije uklonjen sa ove dionice.

Direktno pitanje: Da li je nadležna općinska služba upoznata sa ovom problematikom? Da li je ostvaren kontakt i koordinacija sa Kantonalnom direkcijom za ceste na rješavanju ovog problema? Da li će se konačno poduzeti aktivnosti na uklanjanju ovog odrona i spriječiti neželjene saobraćajne posljedice za učesnike saobraćaja na ovoj dionici puta? I da li će ova dionica puta Zavidovići - Dolac konačno biti podvrgnuta čišćenju i uklanjanju niskog i visokog rastinja uz bočne pojase kolovozne trake obzirom da je ovo prvi put u zadnjih 20 godina da ova dionica regionalne ceste nije tretirana od strane Kantonalne direkcije za ceste i Ministarstva za saobraćaj i komunikacije ZE-DO kantona kada je u pitanju redovno godišnje održavanje regionalnih cesta.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva broj 03-45-7-84/21 od 03.03.2021. godine): Dostavlja se kopija akta Ministarstva za prostorno uređenje, promet i komunikacije i zaštitu okoline Zeničko-dobojskog kantona broj 12-23-2005/21 od 19.02.2021. godine.

4. VIJEĆNIČKO PITANJE VIJEĆNIKA ŠIMŠIĆ IGORA

Vijećnik Šimšić Igor: Kao vijećnik Općinskog vijeća Zavidovići postavljam vijećničko pitanje koje se tiče potrebe pružanja informacije o statusu realizacije Odluke o proglašenju Grada Zavidovići? Obrazloženje vijećničkog pitanja. Dana, 12.09.2018. godine Općinsko vijeće Zavidovići donijelo je Odluku o proglašenju Grada Zavidovići. Nakon donošenja ove Odluke od strane Općinskog vijeća Zavidovići, u skladu sa zakonskim propisima i sadržinom iz usvojenog podzakonskog akta, ista je trebala biti upućena Parlamentu Federacije Bosne i hercegovine radi donošenja Zakona o uspostavljanju Grada Zavidovići. Direktno pitanje koje se upućuje nadležnim: Da li je Odluka ikada dostavljena Parlamentu federacije Bosne i Hercegovine, da li su od strane ovog predstavničkog doma dobijane bilo kakve povratne informacije i da li postoje bilo kakve naznake za realizacijom s obzirom da je protekao dug vremenski period od usvajanja do realizacije koja je, do sada izostala? Vijećničko pitanje upućuje se Općinskom načelniku, Stručnoj službi OV Zavidovići i nadležnim službama.

Odgovor na vijećničko pitanje (Odgovor je sačinjen na osnovu akta Stručne službe Općinskog vijeća Zavidovići broj 01-04-588/21-AP-13 od 23.03.2021. godine): Inicijativa Općinskog vijeća Zavidovići za donošenje Zakona o proglašenju grada Zavidovići, akt broj: 01-02-449/19 od 28.11.2019. godine i Odluka o proglašenju Grada Zavidovići dostavljena je Parlamentu Federacije Bosne i Hercegovine, i ista je zaprimljena dana 04.03.2019. godine.

Dana 17.12.2019. godine iz Kabineta sekretara/tajnika Parlamenta Federacije, dostavljeno je izjašnjenje Vlade Federacije BiH na Inicijativu Općinskog vijeća Zavidovići za donošenje Zakona o proglašenju grada Zavidovići, akt broj: 01-02-449/19 od 28.11.2019. godine, kojim je Vlada FBiH utvrdila da je provedena potrebna procedura, te da Općina Zavidovići ispunjava uslove da se proglasi gradom koji su predviđeni članom 5. Zakona o principima lokalne samouprave, te prihvatila Inicijativu za izradu Zakona o Gradu Zavidovići, broj: 01-02-449/19 od 22.10.2019. godine. Izjašnjenje Vlade FBiH na Inicijativu Općinskog vijeća Zavidovići za donošenje Zakona o proglašenju grada Zavidovići upućen je zakonodavno-pravnoj komisiji Zastupničkog doma Parlamenta Federacije BiH.

Dana 20.10.2020. godine, dostavljena je urgencija broj: 01-05-3088/18-AP-15 predsjedavajućem Predstavničkog doma Parlamenta Federacije Bosne i Hercegovine.

Dana 16.12.2020. godine, zaprimljen je odgovor na urgenciju kojim nas obavještavaju da su urgenciju prosljedili Vladi Federacije BiH, budući da je dostavila mišljenje na Inicijativu i odredila ministarstvo pravde kao nosioca izrade Nacrta Zakona.

Dana 13.01.2021. godine, zaprimljeno je obavještenje Federalnog Ministarstva pravde, broj: 09-49-3030/19 od 29.12.2020. godine, iz kojeg je vidljivo da Federalno ministarstvo pravde nije zaprimilo zaključak Predstavničkog doma Parlamenta Federacije Bosne i Hercegovine kojim je prihvaćena navedena inicijativa i kojim je određen način pripremanja i nosilac izrade nacrta zakona.

Dana 15.01.2021. godine, predsjedavajuća Općinskog vijeća, uputila je Urgenciju Zakonodavno-pravnom povjerenstvu Zastupničkog doma Parlamenta Federacije, do danas nije zaprimljen odgovor.

Dana 24.02.2021. godine, Općinski načelnik je uputio Urgenciju na adresu Predstavničkog doma Parlamenta Federacije Bosne i Hercegovine i Vladi Federacije Bosne i Hercegovine, do danas nije zaprimljen odgovor.

Prilog:

- Akt Parlamenta Federacije BiH- ured tajnika, broj: 01-02-449/19 od 28.11.2019. godine, sa izjašnjenjem Vlade FBiH, V. broj: 1361/2019 od 22.11.2019. godine,
- Urgencija broj: 01-05-3088/18-AP-15 od 20.10.2020. godine,
- Odgovor na urgenciju – Parlament Federacije, broj: 01-02-449/19 od 15.12.2020. godine,
- Obavijest Federalnog ministarstva pravde, broj: 09-49-3030/19 od 29.12.2020. godine,
- Urgencija Općinskog vijeća Zavidovići broj: 01-05-3088/18-AP-16 od 15.01.2021. godine,
- Urgencija Općinskog načelnika Zavidovići broj: 01-05-3088/18-AP-16 od 24.02.2021. godine.

5. VIJEĆNIČKO PITANJE VIJEĆNIKA FEHRIĆ ŠEMSE

Vijećnik Fehrić Šemso (Prvo pitanje): Da li Općina Zavidovići, zajedno sa Općinskim načelnikom na čelu, razmišlja o uvođenju Upravljanja sistemom kvaliteta uvođenjem ISO standarda? Ako je već pokrenuta procedura uvođenja ISO standarda, kada je to uradila, a ako nije da li ima to u planu? U cilju unapređenja rada Općinske administracije, korisno bi bilo da Općina Zavidovići uvede upravljanje sistemom kvaliteta ISO standardom, čime podiže kvalitet svojih usluga i servisa prema građanima, a i proces rada općinske administracije se harmonizuje i optimizira. Predlažem Općinskom načelniku, ako taj proces nije u planu i nije započet, da se isti planira u narednoj 2022. godini..

Odgovor na vijećničko pitanje (Odgovor je sačinjen na osnovu akta Stručne službe općinskog načelnika broj 02-45-20/21-AP-17 od 19.03.2021. godine): Općina Zavidovići posjeduje dodjeljen cerufikat za upravljanje kvalitetom BAN EN ISO 9001:2008 i certifikat za upravljanje okolišem BAN EN ISO 14 001:2009. Navedeni certifikati su izdati po standardima iz 2008. i 2009. godine, te predstoji recertifikacija po standardima iz 2015. godine.

Također Općina Zavidovići posjeduje BFC certifikat kojim dokazuje da u je stekla svojstvo jedinice lokale samouprave sa prijateljski okruženjem i ambijentom za privređivanje.

Vijećnik Fehrić Šemso (Drugo pitanje): Zašto se do sada nije izvršila sanacija klizišta kod kuće Marušić Brajke, na cesti Stavci - Donji Kovači, u naselju Kratković, ako za to klizište imamo sljedeće akte:

1. Nalaz Inspekcije za nekategorisane puteve općine Zavidovići, broj 03-23-3351/10 od 23.07.2010. godine,
2. Nalaz Građevinske inspekcije broj 03-23-885/15 od 13.03.2015. godine.

Ako nije bilo sredstava do sada, zašto nije ušlo u revidirani Plan kapitalnih investicija Općine Zavidovići za period 2021 - 2025 godina. Služba za upravu ekonomskih poslova i poduzetništva je obavijestilo MZ „Asim Čamdžić“, aktom broj 03-14-65/16-AP-2 od 26.1.2016. godine da će se sanacija klizišta vršiti u skladu sa raspoloživim sredstvima. Do danas, više od 5 godina, klizište nije sanirano. Ako nije bilo sredstava, mislim da je ovo trebalo biti u Planu kapitalnih investicija za period 2021 - 2025. Vrijednost sanacije je cca 13.000 KM, čime su stvoreni uslovi da ova sanacija može ući u Plan kapitalnih investicija.

Odgovor na vijećničko pitanje (Službe za upravu ekonomskih poslova i poduzetništva broj 03-45-7-90/21 od 18.03. 2021. godine): Sanacija klizišta kod kuće Marušić Brajke, na cesti Stavci - Donji Kovači, u naselju Kratković ne posjeduje investiciono-tehničku dokumentaciju, te kao takav nije mogao da bude kandidovan u Plan kapitalnih investicija Općine Zavidovići revidiran za period 2021.-2025. godina, budući da je to jedan od eliminatornih kriterija za uvrštavanje projekata u plan u skladu sa članom 7. stav f) Odluke o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija općine Zavidovići („Službeni glasnik Općine Zavidovići“, broj: 8/2019).

Takođe, ovdje je bitno napomenuti da na području općine Zavidovići postoji oko 350 registrovanih klizišta, te da se za sanaciju najprioritetnijih klizišta od 2014. godine iz raznih izvora obezbijedi od 50.000,00 KM do 100.000,00 KM na godišnjem nivou..

6. DOPUNSKO VIJEĆNIČKO PITANJE VIJEĆNIKA AVDIČEVIĆ ZAHIDA

Vijećnik Avdičević Zahid: Biću vrlo kratak, znači Ministarstvo jednostavno za promet i komunikacije, Ministarstvo unutrašnjih poslova pomnoži mene kao vijećnika i naše Vijeće sa nulom i Službu za ekonomske poslove. Jednostavno, nijedno slovo ne napiše na vijećničko pitanje koje sam postavio na predhodnoj sjednici. Na predhodnoj sjednici sam rekao da ću ponovo postaviti ista pitanja. Znači, ponovo pitanje za promet i komunikacije, Ministarstvo prometa i komunikacije, kada će se krenuti sa realizacijom sanacije puteva na području

Zavidovića, tačnije regionalni put Zavidovići - Olovo i regionalni put Zavidovići - Kamenica, a takođe za pitanje Ministarstva Ministarstvo unutrašnjih poslova, kada će krenuti aktivnosti sa postavljanjem radar kamere u dijelu Mjesne zajednice Kovači, odnosno regionalnog puta koji prolazi kroz Mjesnu zajednicu Kovači, u dijelu Osnovna škola „Kovači“. Ne bi ovdje nabrajao sve nemile scene koje su se dogodile prethodnih godina, pa čak skoro i do smrtnih slučajeva djece. Znači, zamolio bi ministarstvo da se udostoji da kaže nemamo sredstava, nećemo reagovati da mi znamo na čemu smo. Toliko. Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva broj 03-45-7-90/21 od 18.03. 2021. godine): Dio Vašeg pitanja koje se odnosi na sanaciju regionalnih cesta je dana 18.03.2021.godine proslijeđen Ministarstvu za prostorno uređenje, promet i komunikacije i zaštitu okoline, dok je za dio pitanja koji se odnosi na Ministarstvo unutrašnjih poslova stigao odgovor broj: 08-01-01/1-45-550-2/21 od 11.03.2021.godine po ranije postavljenim pitanjima i isti Vam dostavljamo u prilogu.

7. DOPUNSKO VIJEĆNIČKO PITANJE VIJEĆNIKA AVDIČEVIĆ AMERA

Vijećnik Avdičević Amer: Ja moram reći da sam dijelom odgovora zadovoljan. Naglašeno mi je da će Općina Zavidovići u narednom periodu nastaviti sa postavljanjem debeloslojne horizontalne signalizacije, kao što je već učinjeno na nekim mjestima. Međutim, nisam zadovoljan jednom jednim pojmom gdje se kaže da u koliko se izvrši postavljanje debeloslojne horizontalne signalizacije, poboljša ulična rasvjeta u ulici „Maršala Tita“ smatramo da bi isto bilo neracionalno iz razloga što se ista pretežno postavlja na saobraćajnicama sa četiri ili više saobraćajnih traka. mislim da, kada su u pitanju ljudski životi, zaštita ljudskih života ne postoji nešto što je neracionalno i da trebamo možda malo pripaziti sa takvim pojmovima, a podpitanje, odnosno bilo je pitanje u prošloj formi, međutim nisam dobio odgovor, da li je pravnim regulativama utvrđeno postojanje uopšte tog pješačkog prelaza na toj lokaciji? Hvala.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva broj 03-45-7-90/21 od 18.03. 2021. godine): Postojanje predmetnog pješačkog prelaza u Ulici Maršala Tita regulisano je Projektom saobraćajne signalizacije u urbanom dijelu općine Zavidovići, koji je izrađen u skladu sa članom 76. stav 1 i 3 Zakona o cestama Federacije Bosne i Hercegovine („Službene novine“, broj: 12/2010, 16/2010 i 66/2013). Projekat je rađen od strane ovlaštene projektantske kuće „Urbis centar“ d.o.o. Banja Luka.

S poštovanjem.

Dpstavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujnović

Obradio: _____
(Nermin Čahtarević)



Broj: 02-04-683/21-AP-21
Datum: 19.04.2021. godine

OPĆINSKO VIJEĆE ZAVIDOVIĆI
n/r PREDSEDavajuća OPĆINSKOG VIJEĆA
mr. iur. Erna Merdić Smailhodžić

PREDMET: Dopuna odgovora na dopunsko vijećničko pitanje sa 2. sjednice
Općinskog vijeća Zavidovići održane 26.02.2021. godine, dostavlja se

Povodom dopunskog vijećničkog pitanja postavljenog na 2. sjednici Općinskog vijeća
Zavidovići održanoj 26.02.2021. godine, dostavljamo odgovor na isti:

1. DOPUNSKO VIJEĆNIČKO PITANJE VIJEĆNIKA ZAHIDA AVDIČEVIĆ:

Vijećnik Zahid Avdičević: Biću vrlo kratak, znači Ministarstvo jednostavno za promet i komunikacije, Ministarstvo unutrašnjih poslova pomnoži mene kao vijećnika i naše Vijeće sa nulom i Službu za ekonomske poslove. Jednostavno, nijedno slovo ne napiše na vijećničko pitanje koje sam postavio na predhodnoj sjednici. Na predhodnoj sjednici sam rekao da ću ponovo postaviti ista pitanja. Znači, ponovo pitanje za promet i komunikacije, Ministarstvo prometa i komunikacije, kada će se krenuti sa realizacijom sanacije puteva na području Zavidovića, tačnije regionalni put Zavidovići - Olovo i regionalni put Zavidovići - Kamenica, a takođe za pitanje Ministarstva unutrašnjih poslova, kada će krenuti aktivnosti sa postavljanjem radar kamere u dijelu Mjesne zajednice Kovači, odnosno regionalnog puta koji prolazi kroz Mjesnu zajednicu Kovači, u dijelu Osnovna škola „Kovači“. Ne bi ovdje nabrajao sve nemile scene koje su se dogodile prethodnih godina, pa čak skoro i do smrtnih slučajeva djece. Znači, zamolio bi ministarstvo da se udostoji da kaže nemamo sredstava, nećemo reagovati da mi znamo na čemu smo. Toliko. Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva broj: 03-45-17-136/21 od 14.04.2021. godine): U prilogu Vam dostavljamo odgovor Ministarstva za prostorno uređenje, promet i komunikacije i zaštitu okoline broj: 12/08-23-3985-1/21 od 07.04.2021. godine, kao dio odgovora na Vaše vijećničko pitanje koje je u nadležnosti navedenog ministarstva.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: _____
(Nermin Čahtarević)